

芎歸湯一名佛手散 治妊婦因事跌仆子死腹中  
惡露妄下疼痛不已口噤欲絕用此藥探之若子  
死腹中立便逐下若腹痛隨止子母俱安又治臨  
產難生胞衣不下及產後血暈不省人事狀如中  
風血崩惡露不止腹中血刺疔痛血滯浮腫入心  
經語言顛倒如見鬼神血風相搏身熱頭痛或似  
瘧非瘧一切胎前產後危急狼狽垂死等証並皆  
治之

當歸

酒洗去  
蘆一兩

川芎

七錢

右分作四服每服用水一盞煎水將乾投酒一盞半煎五七沸温服如口噤擗開灌之如人行五里許再灌盡此四服便醒立產神効

奪命丹 治胞衣不下蓋兒之初生惡血流入衣中

衣為血所脹塞故不得下須臾冲上逼心即死急服此藥

服此藥

黑附子 五錢 泡

牡丹皮 一兩

乾漆 二錢五分 研細 炒烟盡為度

右為細末用米醋一升大黃末一兩同煮成膏

和前藥末為丸如梧桐子大每服五七丸用温

酒送下

黑龍丹 治難產及胞衣不下血迷血暈等証

當歸

五靈脂

川芎

良姜 各二錢

百草霜 一兩

硫黃

乳香 各二錢

琥珀

花蕊石 各一錢

生地黄 二錢 細切入鷄子殼內紙筋蓋泥 固濟火煨入後藥一方用熟地黃

右件連前藥共為細末酒米糊為丸如彈子大

如用時將一二丸仍用火煨紅為末以童子小

便合酒調灌下垂死者灌三四丸即活其功不可盡述

一方治胞衣不下

川牛膝 二錢

當歸 一錢五分

木通 三錢

滑石 四錢

黃葵子 二錢五分

右用水煎連進兩三四服立下

積殼散 妊娠八九箇月內胞氣壅滿宜常服之滑

胎易產安和子臟益血舒氣

和殼 五兩 麩炒黃色

粉甘草 炙一兩 五錢

香附子 一兩 炒

右為細末每服二錢空心沸湯點服日進三服

一方加糯米炒同為末白湯點服令兒易產初生

胎氣微黑百日後肥白此為古方之冠若妊婦

稍弱者單服恐胎寒腹痛胎弱多驚于內加當

歸一兩木香五錢不見火如此用之則陽不致

強陰不致弱二氣調和有益胎嗣

自妊娠初得以至臨月藥石禁忌歌

歌曰玃班水蛭及蝨虫 烏頭附子與天雄

野葛木銀并巴豆 牛膝薤苈連蜈蚣

二稜代精芫花麝 大戟蛇蛻黃雌雄  
麥藥紅花黃朴常山蘇木

牙硝芒硝牡丹桂 槐花牽牛皂角同  
獸偏忌慈羊兔雀也須夏

半夏南星與通草 瞿麥乾姜蟹甲瓜

硃砂乾漆兼桃仁 地膽茅根莫用好

飲食禁忌

雞肉合糯米食令子生寸白虫 食犬肉令子

無聲 鮎鯉同鷄子食令子生疔蝕瘡 食兔

肉令子缺唇 食羊肝令子多厄難 食鱉肉

令子項短縮頭 鴨子與桑椹同食令子倒生

心寒 鮮魚同田鷄食令子瘖瘂 為肉同豆

醬食令子面生雀卵斑點 食螃蟹橫生 食

姜芽令子多指 食冰漿令絕產 食雀肉飲

酒令子多淫無忌 食茨菰消胎氣 食驢馬

肉過月難產 豆醬合藿菜食墮胎 食山羊

肉令子多病食鯁鱠無鱗魚難產 食諸般菌

生子驚風而天 食雀腦令子患雀目 勿妄

服湯藥勿妄亂針灸勿過飲食酒漿勿舉重登

高陟險心有大驚子必顛癇勿多睡臥須時時

少步動和血脉勿勞力過傷使腎氣不足子必解顱腦破不合 衣母大温食母大飽若脾胃不和榮衛虛損子必羸瘦多病戒之戒之

臨產須知

一凡臨月不可洗頭以免橫生逆產

一凡懷妊十月已滿陰陽氣足忽然臍腹陣痛胎孕偏陷腰間重腹穀道挺迸漿水臨下其兒遂生此乃正生若當生自有其時如瓜蒂懸栗熟自落之類

一凡臨產時宜擇年高有識穩婆與夫純謹婦人三四人扶持一應外來閑雜之人喪服穢濁之婦預謹杜絕勿令觸犯胎氣致產不利產後客氣犯兒亦主傷害

一凡臨產房中不得喧鬧宜緊閉門戶靜以待生月歲滿足方覺腹痛不可驚動大早早則舉家霍亂卜筮問神巫覡之流稱說鬼神多方哄嚇媒利產婦聞之恐怖夫恐則氣怯氣怯則上焦閉下焦脹氣乃不行以致難產如

氏地補醫學正傳 卷之七  
犯此急宜服紫蘇飲以寬其氣

一凡臨月忽然腹痛或作或止或一日二日三五日胎水已來腹痛不止者名曰弄痛非當產也又有一月前忽然腹痛如欲便產却又  
不產者名曰試月非當產也不問胎水來與  
不來俱不妨事但當寬心待時若果當產腰  
腹痛極不已穀道挺迸眼中火出其時便產  
豈有或痛不痛或產不產之候邪人多于此  
胡行亂做枉了性命可不慎與

一凡初覺腹痛而腰不甚痛者未產也且扶行  
熟忍若行不得則凭物而立行得又行

一世人不識但見腹痛謾作便謂生產穩婆踈  
狂者不候時至便言試水試水併包漿先破  
風入產戶以致腫脹門戶狹小乾澁難產

一將產之時產母甚痛不肯舒伸行動固執曲  
腰眠睡胎元轉動尋到生門已被遮閉又轉  
又尋再三胎已無力決至難產

一初覺不痛且當任意坐臥勉強飲食毋致臨

產乏力

一凡產母初覺欲生便須惜力調養不可妄亂用力兒身一轉便被用力一遍令兒錯路以致橫逆須待臨到產門用力一遍兒卽下生此所當用力也譬如登廁時候未至雖用力何益

一凡產母如覺心中憤悶可取白蜜一匙溫水調服

一產母如覺飢餓可進以軟白粥不令飢渴以致乏力亦不可食硬飯糍粽恐產後有傷食之病

一未產之先或煩渴欲飲水只可與清米飲飲之爲佳

一凡產不可服催生符水况血得寒卽凝血一疑則胎滯而反致難產夫催生符竅蓋是野道士求食媒利之設有何益哉

一凡產婦胞漿未下但當穩守無妨胞漿旣破一飯時候不生便當服催生藥要緊夫胞漿

者本胞內養兒之水也兒既拆胞其水既下胞胎隨水而下則爲易生胎元無力轉頭遲慢熬下卽血來閉塞道路令子無路可通故難產也如用蜀葵子等破血之藥逐去惡血兒卽得路而生故曰催生藥也

一凡催生多用滑利迅速之藥如

兔腦

筆頭灰

弩牙

蛇退之類是也

二凡催生若見水血先下子道乾澁不能下者

如 猪脂 油

蜜

酒

葱白

葵子

牛乳

榆白皮

滑石之類是也

三凡催生若稽停勞力之久風冷乘虛入于子

官使氣血凝滯而難產者如

牛膝

葱

桂

五積散

順元散之類

四凡催生有觸犯惡氣心煩燥悶難產者如

麝香

硃砂

乳香



青竹茹之類

夫產育之難者皆由產婦不能慎聞講說生育道理臨事惶惶用力失宜遂有難產之危是故有逆產者則先露足有橫生者則手露坐產者則先露其臂此皆用力大早之過夫當臍腹疼痛之初兒身纔轉而未順用力一遍遂致橫逆若手足先露者用細針刺兒手足心一二分深三四刺之以鹽塗其上輕輕送入兒得痛驚轉一縮卽順生之矣或兒腳先下者謂之踏蓮花生

急以鹽塗兒腳底又可急搔之并以鹽摩母腹上則正生矣

灸法治難產及胞衣不下急于產母右腳小指尖頭上灸三壯炷如小麥大立產

凡橫倒難產用蛇退一條全者蠶退紙一方右以二物入新磁瓶中塩泥固濟燒存性爲末煎榆白皮湯入乳香同調服下則順生

又方治橫生先露手足

阿膠炒

滑石一兩

冬葵子一合

酥油

每服四錢水一大盞煎至七分連進二三服

又方治橫逆不順子死腹中用

伏龍肝

炷心紅土也

右爲細末溫酒調下一二錢其兒頭戴土而出甚驗

礙產

凡兒身已順門戶俱正兒已露頂而不能生此因兒身回轉肚帶攀住兒肩不能下也治法急令

產母仰臥輕輕推兒向上徐徐引手以中指按兒肩下其臍帶須候兒身爲順產母用力一送兒卽下生 又法令穩婆款款分開臍帶外將紙燃之

凡兒身向未順生路未正被產母用力一逼令兒偏生或左腿或右腿或臀或左右額角雖兒身已逼產門而不能下但云兒已露頂非頂也治法當令產母仰臥看生人輕輕推上兒身以手正其頭用力一逼卽下若是頭之後骨偏柱穀

道兒則露額當令看生人以綿衣灸令溫暖  
手急于穀道外傍輕輕推兒頭令正然後用力  
一送兒卽下生

治盤腸產法 有臨產則子腸先出甚可驚恐治

法以盆盛溫水溫潤其腸令產母仰臥且以言  
語安慰其心却用好米醋半盞和新汲水七分  
攪勻忽喚產母面或背則打頓而收每一喚令  
一縮三喚三縮腸盡收矣合用參芪歸芩等大  
劑補藥加升柴防風之類以升舉之未有不妥

者也 又法急以草麻子去殼研細貼產母額  
頂上卽收

一方治產難數日子死腹中不出母氣欲絕

瞿麥 六兩

通草 三兩

桂心 三兩

牛膝 四兩

榆白皮 四兩

一方無榆白皮有天花粉四兩大能墮胎右細  
切用水五升煎取三升去粗分三服頓飲卽下  
又方牛膝丸下死胎

川牛膝 三兩

紫金藤 七錢

肉桂 三錢

王氏補遺醫學正傳  
卷之七  
當歸

四錢

蜀葵根

七錢

麝香

五分

右爲末米糊爲丸如梧桐子大硃砂爲衣每服  
五十丸乳香湯送下

又方治子死腹中不出

用黃牯牛屎不拘多少塗母腹上立出一云  
以牛屎炒令大熱入醋半盞以青布包裹于母  
臍上下熨之立下

又治子死腹中用鷄子黃一箇生姜自然汁一合  
調勻頓服分娩後用芸薹粥補之

生子下血過多子死腹中增寒手指甲青面色黃  
黑胎上搶心悶亂欲死冷汗自出喘滿不食或  
食毒物或誤服草藥傷胎下血不止胎尚未損  
可安若已死卽下極妙

牡丹皮

赤芍藥

桂心

桃仁

白茯苓

右各等分爲細末煉蜜爲丸如彈子大每服一  
丸細嚼淡醋湯送下連服數丸立効

一方治胞衣不下

川牛膝 二錢

當歸身尾 二錢

木通 三錢

滑石 四錢

冬葵子 二錢  
五分

每服水煎連進二三服卽下

### 丹溪活套

凡婦人胎前諸疾只須以四物湯爲主治看証加減調治 如覺腹中煩悶口苦厭食不問月數多少本方加白朮條芩砂仁煎服 如五六箇月後胎動不安或逆搶逼心本方加阿膠艾葉砂仁枳殼條芩白朮野苧根入金銀同煎服 如氣血虛

心煩脉虛大無力或怔忡手戰及時有微熱本方

加人參黃芩白朮甘草酸棗仁遠志麥門冬地骨

皮等藥 如五六箇前月無故下血或因事下血

謂之漏胎本方加條芩白朮甘草白芷茅根地榆

桑寄生之類 如七八箇月前後面目及四肢浮

腫本方加茯苓澤瀉白朮條芩砂梔子厚朴甘草

稍麥門冬之類 如孕中忽然口噤吐沫不省人

事言語錯亂本方合二陳湯加麥門冬竹茹遠志

石菖蒲之類 如感冒風寒頭痛發熱或身體作

痛本方合小柴胡湯或更加細辛白芷防風羌活  
等藥 如二三箇月內嘔吐惡心不納飲食謂之  
惡阻本方去地黃加陳皮半夏麴砂仁神麴藿香  
麥芽陳蒼米白朮之類 或因事動胎致胎不安  
動撞不已及下血欲墮本方加人參白朮白茯苓  
條芩白芷桑寄生砂仁阿膠珠甘草等藥 或時  
有白濁白帶本方加白茯苓陳皮蒼朮半夏麴牡  
蠣龍骨之類 如無故腹痛瀉利清水或心熱胎  
動不安本方加白朮茯苓猪苓澤瀉蒼朮訶子皮

砂仁神麴乾姜之類

祖傳經驗秘方 治難產濕漿胞乾胎不得下用香  
油蜂蜜各一碗和勻用銅鉢慢火煎一二沸掠去  
沫調白滑石末一兩重攪勻頓服外以油蜜于母  
腹臍上下摩之立產

又方催生曾試甚驗用鬼頭骨家貓頭骨各一箇  
烈火煨地上出火毒研為極細末每服二三錢  
濃煎芎歸湯調下即產

又方治胞衣不下三退飲

蛇退 二條 全者

蚕退紙 一方 三張

蟬退 四十 九箇

用磁瓶盛燒存性細研順流水調服立下

一方 治孕婦腹痛用紫禾莖葉各半煎湯一盞服

一方 治孕婦兩三箇月內宜置萱花于縫囊佩身

左則生男所謂宜男草也

### 婦人科下產後

#### 論

內經曰一息不運則機緘窮一毫不續則等壤判所

謂氣血周流循環無端少有不續則身危矣若未妊

娠之婦子在腹中母子一氣流通全賴漿水滋養十

月數足血氣完全形神俱備忽如夢覺自能用手拆

胞求路而出既出胞外母子分體呼吸殊息其可久

羈于內而使其氣化不運不續哉夫胞元壯健者胞

既折則隨漿而下故易產也其困弱者轉頭遲慢胞

漿既乾汚血來塞道路凝滯是以橫生逆產子死腹中而產母之命死在須臾可不畏乎凡見將生之際胞漿既下踰時尚未分娩便當徬徨設計用藥逐去惡血使子路通暢而無難產之患豈可袖手以待斃乎是故催生之藥卽芎歸益母草冬葵子之類皆使之逐去汚血者也若腰腹未甚痛漿水少淋瀝而下名爲試漿實非胞內真漿也且宜寬心守待切不可輕易便令穩婆接取產母用力逼胎大早致橫逆不順切須謹慎其或先見手足不順者額偏露者但當

以手輕輕撥正以待其自下可也若分娩之後胞衣未下者猶爲可懼宜多方用藥逐下甚不可令粗率之婦人摘取常見有擗破尿管致終身之害者有取下肝葉而產母隨時殞命者可不謹與若夫難產之婦皆是產前恣欲所致非獨難產且產後諸疾皆由是而生焉或有乍寒乍熱似瘧非瘧或大熱頭疼體痛如傷寒狀或卒中口噤如痲如癩或左癱右瘓角弓反張或妄言見鬼心神恍惚或耳目口鼻忽覺黑氣如烟薰之狀或腹中作疼綿綿不絕已上諸証皆



非惡露未盡卽是勞傷血氣大虛之証丹溪曰凡產  
前當清熱養血爲主產後宜大補氣血爲要雖有雜  
証以未治之此萬世不易之確論也雖然亦有離蓐  
大早或澡浴身垢以致感冒風濕或多啖鷄子糍粽  
難消之物皆能惡寒作熱變証多端醫者宜潛心診  
察其脈候以持危拯急不可苟且妄治以夭折人之  
天年也

### 脈法

脈經曰新產婦人有二病一者病痊二者病鬱冒三

者大便難

云

云

師曰亡津液胃燥故大便難產婦

鬱冒其脈微弱嘔不能食大便反堅但頭汗出所

以然者血虛而厥厥而必冒冒家欲解必大汗出

以血虛下厥孤陽上出故但頭汗出以產婦善汗

出者亡陰血虛陽氣獨盛故當汗出陰陽乃復所

以便堅者嘔不能食也小柴胡湯主之病解能食

七八日而更發熱者此爲胃熱氣實承氣湯主之

婦人產後七八日無大陽証小腹堅痛此爲惡露

不盡四五日大便無趺陽脈微實再倍其人發

王氏增補醫學正傳 卷之七  
熱日晡時煩躁者譫語不能食利之卽愈宜承氣湯以熱在裏結在膀胱也

按丹溪曰產後宜大補氣血爲主雖有雜証以未治之又曰產後不可汗下叔和以仲景治傷寒法用承氣小柴胡等藥欲退產後之熱恐非至理可法之語姑述于此以待賢者再議而採擇之可也

丹溪曰產前脈細小產後脈洪數皆死又曰產前脈當洪數旣產而洪數如故豈得不死 此亦大

槩言之今見產後豈無脈洪數而生者

### 方法

丹溪曰產後當大補氣血爲主雖有雜証以未治之產後補虛用參朮黃芪陳皮歸身尾川芎炙甘草如發熱熱輕則加茯苓淡滲之其熱自除重則加乾姜或云大熱而用乾姜何也曰此非有餘之邪熱乃陰虛生內熱耳蓋乾姜能入肺分利肺氣又能入肝分引衆藥生血然必與補陰藥同用之此造化之妙非天下之至神其孰能與于此哉

產後發熱惡寒或口眼歪邪等証皆是血氣虛甚  
當以大補氣血爲主治左手脉不足補血藥多  
于補氣藥右手脉不足補氣藥多于補血藥切  
不可用小續命湯表散之劑

產後惡寒發熱腹痛者當去惡血若腹不滿者非  
惡血也

惡露不盡小腹作痛名兒枕痛用五靈脂香附爲  
末醋糊丸甚者加去尖桃仁一用神麩糊丸白  
木陳皮湯下氣虛者四君子湯下

治血刺痛用當歸乃和血之法若因積血而刺痛  
者宜桃仁紅花當歸頭之類 血在下焦當用  
歸尾

產後血運用韭葉細切盛于有嘴瓶中以滾醋泛  
之急封瓶口以瓶嘴納產婦鼻中卽醒 或用  
秤錘及磚石燒紅投醋中薰之亦良法也

又方用鹿角一段燒存性出火毒爲末滾酒調下  
卽愈

血運因氣血俱虛痰火汎上作運二陳導痰隨氣

血加減硃砂安神丸亦可服以麥門冬湯下  
一方治血運

人參 一兩

紫蘇 五錢

右細切童便酒水三物同煎服

嚴氏清菟散 治產後血運昏不知人

澤蘭葉

人參 各一兩

荆芥穗 四兩

甘草 各八錢

川芎 二兩

右為細末每服二錢溫酒入童便調下更用漆  
器燒烟薰之類置于醋炭更服此藥

愈風湯 治產後中風口噤牙關緊急手足痲痺角

弓反張

荆芥穗

當歸 各等分  
焙乾

右為細末每服三錢豈淋湯酒調下童便亦可

豆淋酒用大黑豆不拘多少炒焦投好酒中

新產後不可用芍藥以其酸寒能伐發生之氣也

產後乳汁不通用通草七分瞿麥柴胡天花粉各

一錢桔梗二錢青皮白芷木通赤芍藥連翹甘

草各五分作一貼水煎食後細細飲之更摩乳

房或無子食乳者要消乳用麥蘖二兩炒分作四服白湯調下

產後泄瀉利用陳皮白朮茯苓川芎酒炒芍藥黃芩滑石炙甘草煎服立効 一方無甘草有乾姜 按二物皆不可缺

凡乳母但覺小水短少卽是病生便須服藥調治 蓋凡兒飲母乳母安則兒安防患未形治法之善者也

有產婦因收生者不謹損破尿脬而致淋瀝不禁 因思肌肉破尚可完補診其脉虛甚蓋難產因 氣血虛故產後猶虛試與峻補以參朮爲君芎 歸爲臣桃仁陳皮黃芪茯苓爲佐以猪羊脬煎 湯熬藥汁極饑飲之一月而安蓋氣血驟長其 脬卽完恐稍遲亦難成功也

黑神散 治產後惡露不盡或胎衣不下血氣攻冲 心腹疼痛及血迷血暈等証

黑豆 炒半斤

熟地黄

當歸

斤

酒浸洗

肉桂

去粗皮

乾姜

甘草

泡

炙

白芍藥 酒炒

蒲黃 各四兩

濟生方無蒲黃有附子

右為細末每服二錢童便和酒調服

人參當歸散

治產後去血過多血虛則陰虛陰虛

生內熱令人心煩氣短自汗頭痛

熟地黃

人參

當歸身

肉桂

麥門冬

白芍藥

炒各一錢

右一服入淡竹葉五片生姜三片水煎去粗服

當歸黃芪湯

治產後或失血過多腰痛身熱自汗

當歸身 三錢

黃芪 二錢

白芍藥

一錢五分炒

右作一服加生姜三片水一盞半煎至一盞溫

服

失笑散

治產後心腹疝痛欲死及兒枕痛

蒲黃 炒

五靈脂 各等分

右為細末每服二錢熬成膏白湯化下

三聖散

治兒枕痛

當歸

肉桂

玄胡索

各等分炒

右為細末每服二錢熱酒或童便調下

抵聖湯 治產後血氣傷于脾胃腹脇滿悶嘔逆惡  
心立効

赤芍藥

半夏

澤蘭葉

陳皮

人參 各二錢

甘草 炙一錢

右一服入生姜三片水煎服

當歸羊肉湯 治產後發熱自汗肢體疼痛日久不

愈名曰蓐勞

當歸身

人參 各七錢

黃芪 一兩

生姜 五錢

右用羯羊肉一片煮取清汁五大盞去肉粗入  
煎藥慢火煮取四盞分六服徐徐飲之

茯苓散 治產後心虛怔忡不定言語錯亂

人參

甘草 炙

山藥 炒

當歸

各一錢

遠志 去心

茯苓

桂心

麥門冬 各五分

每服加生姜三片大棗一枚水一盞半煎去粗

溫服

當歸散 治產後氣血俱虛恐增客熱宜服此以去

其惡露

當歸

白芍藥炒

川芎

黃芩各一兩

白朮五錢

右為細末每服二錢童便入溫酒調下

黃芪湯 治產後虛汗不止

黃芪二錢

白朮

防風

熟地黃酒煮

牡蠣粉煨

白茯苓

麥門冬去心

炙甘草各五分

右一服加大棗一枚水煎服

增損四物湯

治產後陰虛發熱或日間明了暮發

寒熱

當歸

川芎

生地黃酒炒

柴胡各等分

右每服五錢水盪半煎溫服

四物一黃散 治產後腹中血塊作痛

當歸炒

川芎

熟地黃酒煮

白芍藥炒各五分

蒲黃炒二錢五分

右為細末每服二錢空心溫酒調下



產寶黑龍丹 治產後一切血疼垂死者但灌藥得下無有不安者

五靈脂

生地黄

當歸

川芎

高良姜

各二錢

右細切用砂鍋一箇盛藥外以赤石脂為細末醋調封縫又以紙筋鹽泥固濟文武火煨過置地上出毒研細入後藥

硫黃

一錢五分

化蓋石

另研

乳香

另研各一錢五分

琥珀

另研一錢

右同前藥研為極細末醋糊為丸如彈子大每服一丸用生姜自然汁無灰酒各一合童便半盞合和將藥于炭火上燒紅投入薑酒內研散頓服立効

烏金散

治產後血迷血運敗血不止淋瀝不斷臍

腹疔痛頭目昏眩多汗無力及治崩中下血不止

麒麟竭

亂髮

皂莢水洗淨

松墨

煨醋滓

百草霜

當歸

去蘆

肉桂

去粗皮

赤芍藥

延胡索

鯉魚鱗

燒存性

右各等分爲細末每服二錢溫酒調下

調經散 治產後虛羸蓋敗血乘虛停積腑臟流注

肌肉腐壞成水令人面目四肢浮腫切不可用導

水泄利之藥是謂重虛其虛多致天亡此藥主之

沒藥 另研一錢 琥珀 另研一錢 桂心

赤芍藥 當歸 各一兩 細心 三錢

麝香 五分另研

右爲細末每服一錢七薑汁溫酒童便和調服

之

止脾散 治產後通身浮腫及治婦人大病後脾氣

虛弱中滿腹脹等病

蓬莪朮 醋浸一宿炒 香附米 童便浸 茴香 炒

甘草 炙 陳皮

右各等分爲細末每服二錢燈草木通湯下

栝子仁散 治產後謔言妄語皆心血虧欠心神不

守所致

栝子仁 去殼 遠志 去心 人參 去蘆

桑寄生 防風 去蘆 琥珀 另細研

當歸

熟地黄

甘草炙

右各等分細切每服五錢先用白羊心一枚洗淨煮汁二盞煎藥至一盞去羊心及粗溫服不拘時

琥珀散 治產後瘀血攻心迷悶妄言見鬼

琥珀

鐵粉各一兩

人參

茯神

生地黄

阿膠珠各七錢五分

珠砂五錢

甘草

麝香各一錢另研

右為細末和勻每服一錢用金銀煎湯調下

交感地黄煎丸

治產後舌強不語眼見黑花或發

狂見鬼及胞衣不下心腹脹滿等証

生地黄

新鮮者二斤用石臼杵細以布攪去汁留粗以新瓦炒乾

生姜

二斤同煎製

當歸

去蘆一兩

延胡索

一兩碎炒

蒲黃

炒香四兩

琥珀

一兩另研

右為細末鍊蜜為丸如彈子大每服一丸煎當歸湯食前化下

七珍散 治產後不語

人參

石菖蒲

川芎

熟地黄 各一兩

細辛 一兩

防風 五錢

右為細末每服一錢七薄荷湯調下不拘時

調中湯 治產後瀉痢臍腹疔痛六脉沉細

高良姜

當歸

桂心

白芍藥

附子

川芎 各一錢

甘草 炙五分

作一服加生姜五片水一盞半煎温服

定痛散 治產後惡血不盡腹中作痛

當歸

芍藥 各二錢

肉桂 一錢

右作一服酒水各一盞半生姜五片煎服

麻仁丸 治產後大便秘結

麻仁 去殼

枳殼

人參

大黃

當歸 各八分

右為細末煉蜜為丸如梧桐子大每服二十九

白湯下未通漸加丸數以便潤為度

羊肉湯 治產後腹中虛痛氣血不足羸弱力倦及

寒月中生產寒氣入于產門臍下脹滿手不可犯

此寒疝也此藥主之 此方乃張仲景方極効

精羯羊肉 四兩 當歸 二兩 生姜 一兩

陳皮 二兩

右用水三碗酒一盞煎至一碗去粗分二服加  
芎藭亦可

滋腸五仁丸 治產後血氣虛損大腸閉澁傳道艱

難

杏仁 去皮尖 麩炒 桃仁 如上製 各一兩 栢子仁 五錢

松子仁 二錢 五分 郁李仁 一錢 麩炒 橘紅 四兩 另研末

右五仁另研為膏合橘皮末和勻再研煉蜜為

丸如梧桐子大每服三十丸加至五六十丸食

前清米飲下一方加當歸稍五錢

固經丸 治產後血氣未復而有房事及勞役損傷

致血暴崩或淋瀝不止

沒藥 赤石脂 補骨脂

木賊 各五錢 附子 一枚 泡去皮

右為細末米糊為丸如梧桐子大每服二十九

溫酒下或陳米飲下

熟乾地黄散 治証同前并治婦人一切崩中下血

不止頭目沉重

熟地黄

一錢五分

甘草

一分五厘

蒲黃

炒黑色五分

白茯苓

五分

桂心

二分五厘

當歸

一錢

白芍藥

五分

伏龍肝

七分五厘

視布

男子視襠燒存性

阿膠

炒得鹿角膠尤妙各一錢

右作一服入竹茹一錢用水二盞煎溫服

拒勝湯

治產後腹脹滿悶嘔吐不定蓋敗血入于

脾胃而脾不能運化故胃不能納穀以致嘔吐腹

脹等証

赤芍藥

半夏

泡七次

澤蘭葉

人參

去蘆

陳皮

去白各一錢

甘草

炙一分

右作一服生姜三片水一盞半煎溫服

八味理中丸治新產血氣俱傷臟腑暴虛體弱多汗

一百日內常服壯氣補虛止嘔吐

人參

去蘆一兩

甘草

炙一兩五錢

乾姜

泡一兩

白朮

二兩

砂仁

一兩

白茯苓

一兩

麥蘖麴

炒

神麴

炒各一兩

右為細末米糊為丸如梧桐子大每服三十丸

食前姜湯下有痰者宜加半夏麴

旋覆花湯 治產後感冒風寒咳嗽喘急痰涎壅塞

坐臥不寧

前胡

麻黃 去節

杏仁 去皮尖炒研

五味子

茯苓

甘草 炙

旋覆花

半夏麴

荆芥穗

赤芍藥 各五分

右一服加生姜三片大棗一枚水一盞半煎去

粗溫服

逐意丹 治婦人胎前產後百種疾症服之無不立

効

益母草 五月五日採陰乾不犯鐵器用花葉八兩

木香 五錢 當歸 六錢 赤芍 七錢

香附 八錢

共為細末煉蜜丸彈子大每服一丸熱酒加重便尤妙不吃酒米湯童便下

一方 治產後瘀血作痛惡血不行用澤蘭莖葉以酒煎服其痛自止

四神散 治產後留血不消積聚作塊急切疼痛下利不止

當歸 去蘆

乾姜 泡

川芎

赤芍藥 各五錢

右為細末每服三錢溫酒調下

當歸養血丸 治產後惡血不散發熱腹痛及惡露

不盡臍腹堅脹兼治婦人室女經候不調赤白帶

下腹脇疼痛

當歸 去蘆

赤芍藥 各四兩

桂心 炒



延胡索 少各二兩

右為細末煉蜜丸如梧桐子大每服二十九或酒或米湯下

猪腎子飲 治產後羸勞寒熱如瘧咳嗽頭痛自汗體瘦腹中疝痛

猪腰子 一對切作四片 當歸 白芍藥 各一兩

右以當歸芍藥二味細切用水三碗煮至二碗去粗將腰子切碎如骰子大狀入前藥汁內用晚粳米一合香豉一兩芍白五七根同煮糜爛

空腹食之日進一服

當歸黃芪飲 治產後陰脫 謂陰戶中子宮脫下

當歸 白芍藥 黃芪

人參 各二錢 升麻 五分

右作一服水煎溫服未收再服

當歸散 治婦人陰脫又名疝癩

當歸 黃芩 白芍藥 各一兩

蛭皮 五錢燒存性 牡蠣 二兩

右為細末溫酒或米湯調下忌登高舉重

桃仁膏 治產後陰疼煩悶

桃仁 五味子

枯礬

右為末研桃仁膏拌敷

硫黃湯 治產後玉門不斂

硫黃 四兩 吳茱萸

兔絲子 各一兩 五錢

蛇床子 一兩

右每服四錢水一碗煎湯頻洗之自斂

婦人乳汁不通有二種有血氣壅盛乳脉滯而不行者有血氣虛弱乳汁絕少者夫虛者補之用

鍾乳粉猪蹄鯽魚之類一者行之用通草漏蘆

王瓜根之類方見于後

漏蘆湯 治婦人肥盛氣脉壅滯乳汁不通或留結

為癰腫痛將欲成膿者

漏蘆 二兩 五錢 蛇退 炙一條 土瓜根 十根切 片炒焦

按土瓜當作王瓜禮記月令四月王瓜生即

此物也其葉如瓜萼而小如荔枝色黃藤蔓

葉圓無枝者是

右為末每服二錢酒調下仍喫熱羹湯助之

鍾乳散 治婦人氣虛血少脉澁不行乳汁絕少

鍾乳粉 細研 每服二錢濃煎漏蘆湯下

母猪蹄湯 治乳汁不通

母猪蹄 一隻 通草 四兩

用水一斗煮取四五升取汁飲之未下更作一

服通之

丹溪活套云

新產不可用芍藥以其酸寒能伐發生之氣 十日之內

忌 只以黃芪四物湯為補虛之要藥以黃芪易芍

藥是也 如氣虛者本方加參朮茯苓甘草發

熱者加乾姜 自汗多者少用川芎勿用茯苓

倍蜜炙黃芪 如口渴加五味子麥門冬 如

腹痛者非芍藥不可雖新產亦用但以酒炒不

妨 如惡露不盡作痛四物湯煎調香附五靈

脂末服甚者加桃仁泥四五分 新產子宮未

斂作痛名兒枕痛又名癭母塊痛用醋炒芍藥

粟殼甘草水煎入水米醋或以三物為末醋湯

調服酸以收之之義也 產後有惡血不去發

寒熱成癥瘕者四物湯加三稜莪朮乳香沒藥  
香附五靈脂乾漆桃仁紅藍花之類 產後腹  
痛不息宜四物湯加烏藥香附桂心高良姜陳  
皮童便和醋煎服甚便 產後月餘經血淋瀝  
不止四物湯

王氏增補醫學正傳卷之七終